



LITURJIA NU'UDAR SELEBRASAUN

Jacingusmao@gmail.com



1. SIGNIFIKADU

- **LITURJIA** - Elementu dahuluk mak **leitós** no mai husi liafuan **leós**, forma dialetál **láos** nian, ne'ebé signifika povu. Elementu daruak mak verbu ida ne'ebé la uza ona maibé mosu fali nu'udar **érxoi** no iha substantivu **érgon**, ne'ebé signifika serbisu.
 - povu nia obra katak asaun komunitária, Kreda nian (axendente);
 - obra ba povu, katak Maromak nia obra ba ninia povu (dexendente).

Iha asaun litúrjika hotu, Maromak sai presente no hateten mai ita ho domin: “Ó mak ha'u-nia povu”, no ita hatán: “Ita mak ami-nia Maromak”.

SIGNIFIKADU

- **KULTU** - “**colere**” (verbu) ne’ebé signifika kuda/kultiva, respeita, adora espíritu sira, selebra; “**cultus**” (substantivu) ne’ebe’e signifika kultivasaun, adorasaun, selebrasaun. Iha-ne’e ita foti mak signikadu selebrasaun nian. Kultu mak selebrasaun ne’ebé hateten ita-nia servisu ba Maromak liuhusi hahí, adorasaun agradesimentu nst’.
- **Tipu kultu nian:**
 - **Latria:** kultu adorasaun nian ne’ebé tenki fó de’it ba Maromak, eh ba Santíssima Trindade.
 - **Hiperdulia:** onra boot no kultu venerasaun espezial devotu sira-nian ba Na’i-Feto.
 - **Dulia:** onra no kultu venerasaun ba santu sira.

2. Dimensaun sira selebrasaun nian

1. Dimensaun '**anamnética**': Selebra katak halo sai prezente Kristu nia Mistériu
2. Dimensaun '**epiclética**': Selebra katak invoka Espíritu Santu
3. Dimensaun '**epifânica**': Selebra katak manifesta fiar hodi adora Santíssima Trindade

3. LITURJIA: HUN NO TUTUN KREDA NIA MORIS NIAN

- «Liturjia mak, ho modu simultáneu, tutun ba Kreda nia asaun eh hahalok tomak atu la'ó to'ó bá no hun husi ne'ebé suli ninia kbiit hotu” (SC 10)
 - Liturjia mak uluknanai hun eh “**fonte**” Kreda nia moris nian, katak grasa, don ne'ebé tun husi leten no halo posivel ita-nia dalan sarani, ita-nia istória espirituál, ita-nia empeñu sira no ita-nia obra sira santidade nian.
 - Liturjia tomak mak tutun eh “**meta**” Kreda nia moris nian. Vokasaun universál sarani hotu nian mak santidade, no hodi moris santu ita oferese kultu adorasau nian ba Maromak oras ne'e no abanbairua iha moris rohan-laek. Jezús Kristu mak ita-nia moris nia tutun, katak meta atu ita la'ó bá, tanba ululuknanai Nia mak fonte ne'e.

4.Halo parte ba Liturjia

- Sakramentu hitu
- Liturjia Oras nian
- Sakramental sira: bengan sira, konsagrasaun, ezorsizmu, ezekie (hako mate)



5. Elementu sira Liturjia nian

- **Funsaun** mak “acto” kultu kompletu no independente, ne’ebé forma nu’udar unidade ida, hanesan Missa, ora kanónika ida-idak, sakramentu ida-idak, nst. Funsaun mak selebrasaun ne’ebé ezejuta eh hala’o.
- **Ritu** mak konjuntu preskrisaun sira ne’ebé funsaun ida eh ninia parte ida tenke ezejuta. Tuir Direitu Kanóniku, ritu mak Sistema kompletu ida kultu nian, ez. ritu bizantinu, ritu romanu, ritu ambrozianu, ritu maronita, ritu mozárabe, nst, no mós bainhira ita refere ba variasaun bázika ritu romanu ida mesak ninia estensaun (forma ordinária hanaran “ritu modernu”, no forma estraordinária hanaran “ritu antigu” eh “tradisionál” eh “tridentino”).
- **Serimónia** sira mak asaun sira, movimentu sira no atitude sira ne’ebé ezejuta iha funsaun ida. Tanba ne’e mak xefe akólitu sira nian ne’ebé besik nafatin ba Bispu eh ba presbíteru hanaran “cerimoniário” eh “mestre-de-cerimônias”: nia tenke hatene hahalok ida-idak, jestu ida-idak, silénsiu ida-idak, postura ida-idak ne’ebé akólitu sira, selebrante sira no auxiliár sira tenke halo durante Missa, Ofísiu, nst...
- **Fórmula** sira mak leitura sira (‘bílicas, patrísticas, hagiográficas’), bensan sira, orasaun sira, monisaun sira, ezortasaun sira, no liafuan sira seluk prevé iha ritu, ne’ebé hatama iha serimónia ida. Ita bele dehan katak funsaun ida (nu’udar ezemplu, Missa) mak konjuntu ida serimónia sira-nian ne’ebé akompaña ho fórmula ruma.
- **Aparatu/’alfaias’** mak konjuntu objetu sira eh sasán sira ne’ebé nesesáriu atu hala’o funsaun litúrjika: elementu materiál sira sakramentu nian, livru litúrjiku sira, paramentu sira, múzika, fatin sagradu sira, kandelabru sira, vazú sira, aif-funan sira, nst.
- **Ministru** sira mak ema sira ne’ebé prezide funsaun, hodi selebra kultu iha Kreda nia naran.